

NEHEMIAS 10-11

REVIEW...

- 5 ka adlaw nakaligad nga na Kompleto ang pader - ang mga katawhan nag tipon sa una nga adlaw sang ika 7 nga bulan ...
 - o Nag hulat sila sang pila ka adlaw – bangud gusto nila mag saulog sang ROSH HASHANAH...
 - o Si Ezra isa ka Pari nag panudlo sang Pulong sang Dios sa mga katawhan halin sa aga pakadto sa udto!
 - o Ang mga Levinhon nag bulig – paagi sa pagbadbad sang Pulong halin sa Hebreo pakadto Aramaic...
 - o Nag bulig man sila sa pag hatag kahulugan sa Kasuguan - sa pag paathag sang Pulong sang Dios!
- Ang resulta sang pagpamati kag paghangop sang Pulong – ang mga katawhan nag tangis kag naghinulsol sa atubang sang Ginoo...
 - o Ang mga Levinhon naga-engganyo sa ila sa pag saulog – Bangod – ang kalipay sang Ginoo ila kusog!
 - o Kag dugang pa gid, ang mga katawhan na-engganyo sa pag sugid sa iban – agod nga makaupod man sila sa pagsaulog!
- Pagkadason nga adlaw ang mga lider nagtipon upod sa mga pari kag kay Ezra – kag nag padayon sa pag basa sang Pulong ...
 - o Nabasahan nila nga dapat mag saulog sang 7-ka adlaw nga fiesta sang tabernakulo sa ika 15 nga adlaw sang bulan...
 - o Kag sa ika 24 nag hiwat sang maligdong nga adlaw sang pagpuasa -pag tuad sang sala - kag pagbasa sang kasuguan...
 - o Dayon ang mga katawhan nag himo sang kasugtanan sa Dios – nga pagahuptan nila ang Kasuguan sang Dios!

ANG KASUGTANAN SA DIOS ... (3 BUTANG)

- **1st – ANG PROMISA SA GINOO ... vs. 1-29**
 - o 1st – 3 ka grupo sang mga tawo ang nagselyo sang kasugtanan (*saad*) sa Dios nga ila tumanon ang tanan nga gina mando... vs. 1-28
 - Si Nehemias nga gobernador – upod ang 23 ka pari / 17 ka Levinhon / kag 44 ka mga lideres!
 - Sa malipot nga tinaga ang saad sa pag tuman sang Pulong sang Dios halin sa ibabaw...
 - Madamo nga mga Lider subong nga naga sunod sa hulubaton nga – ‘Himo-a akon gina hambal – indi ang akon gina obra...’
 - Ang tinaga wala pulos – kahapos mag hambal kon ano ang himo-on – apang ang gahum ara sa ehemplo!
 - Kinanglan nga mangin maalam sa pagpili sang aton lider – sa mga magtoytoy sa aton...
 - Mag halong sa mga lider nga gahambal sang isa ka butang – apang wala man ginatuman ang ila kaugalingon nga hinambalan...
 - Kon tuhoy sa pagpili sang lider – ang mga tawo masyado na naemluwensyahan sang pamulitika...
 - Gusto nila mag lalis parte sa polisiya sa pamilak /kag sa mga katapo nga partido...
 - Apang kon tulukon naton kon sino ang pilion nga mag pangulo – kinanglan tanawon ta ang Pulong!
 - Tungod isa lang ka tawo ang nagakabagay nga lider – ang tawo nga debotado sa Dios!
 - **Hulubaton 29:2** - “Kon ang mga matarong ang magdumala, nagakalipay ang mga tawo.”

- Kada isa nga nakabalo kag nakahangop nag pirma sang ila saad!
 - Ang panugda nga atong ara na sa edad para maghimo sang desisyon...
 - Nga nagadala sang pila ka kontrbersial nga palamangkutanon...
 - Ano matabo sa mga bata/lapsag nga wala pasa edad nga magpati sa Dios...
 - Kada isa ka bata may kinalain – ang kaluwasan daw pareho nga may proseso - indi lang sa isa ka tion...
 - Ang 3-ka tuig nga bata basi ‘magbaton’ kay Jesus - pero wala ma hangpan ang tanan...
 - Basi man ‘mabaton’ kay Jesus liwat sa edad 10 ukon 12 - tapos liwat sa edad 15 ukon 16...
 - Asta makalab-ot sila sa edad nga mahangpan na kag pilion nila si Jesus!
 - Basta bisan isa ka ginikanan tumolu-o...
 - **I Corinto 7:14** – “Kay ang indi tumuluo nga bana ginabaton sang Dios tungod sang tumuluo nga asawa, kag ang indi tumuluo nga asawa ginabaton man sang Dios tungod sang tumuluo nga bana. Kay kon indi amo sini, pati ang ila mga bata wala man ginabaton sang Dios. Pero ang matuod, ginabaton sila sang Dios...”
 - Ini nagakahulugan tungod sa implwensia sang asawa okon bana nga tumulu-o...
 - Pagtudlo sa kabataan nahanungod kay Jesus - hanason sila sa pag sunod sa Ginoo...
 - Pero may ara man sa espiritwal nga bahin - ang mga kabataan literal nga mapakabalaan...
 - Ang kaluwasan sang tumulu-o nga asawa o bana nagalab-ot man sa mga kabataan nila...
 - Asta maglab-ot sila sa edad nga makapili sila nga magsunod okon indi magsunod kay Jesus!
 - Basi magpamangkot kamo - kon pareho abi nga di-tumulu-o ang ginikanan...
 - Ang Biblia wala sang may ginhambal bahin sini - indi naton mahibaluan kon ano matabo sa sini nga mga kabataan...
 - Ang mahambal ko lang - ang Dios matarong - kag kon ang kabataan indi pa hamtong nga makaintiendi...
 - Ang Dios dal-on sila sa langit - pero indi kita makahambal sang sigurado
- Tanan nga mga tawo nga nagpain sang ila kaugalingon halin sa mga katawhan sang mga lugar nga nagapalibot sa ila!
 - Ang nabilin nga Levinhon /manug bantay sang gawang /musikero / kag ang Netinim nag pirma...
 - Gintuyo nga ang Israel mangin balaan nga nasyon - napain – wala naga gawi nga pareho sa kalibutan...
 - Sa baylo dapat nga gina representar nila ang Dios sa mga nadula kag tagumatayon nga kalibutan!
 - **Leviticus 19:2** - “Magkabuhi kamo nga balaan kay ako, ang Ginoo nga inyo Dios, balaan.”
 - Ang Dios nag tawag sa aton nga mangin Balaan - gintawag kita nga mangin santo...
 - Sa NT nga tinaga nga santos – *hagios* – nagakahulugan nga mangin Balaan – gin pain sa kalibutan para sa Dios!
 - Sa NT nga tinaga sang simbahan - *ekklesia* -nagakahulugan gin tawag gikan sa kalibutan...
 - Damo ko nasugata nga tumulu-o nga miserable – wala kalipay sa ila kabuhi...
 - Grabi gid ang paghigugma sa kalibutan – para mangin malipayon sa Ginoo...
 - Ang problema gina pinsar nila ang kalibutan may maayo nga dulot...
 - Apang, kada tion nga mag ‘pangalipay sila’ Ang balaan nga Espiritu matandog sa ila...
 - Gani indi na sila gakaipay sa kalibutan –bangod nahibaluan hila ang nahanungod sa Ginoo...
 - Ka miserable kon diin man sila – kay natunga ang ila tagiposoon!

o **Lucas 16:13** – “Wala sing sulugon nga makaalagad sa duha ka agalon...”

o 2nd – Ang tanan nag sulod sa pagpakamalaot – kag nagasumpa –nga mag tuman sa kasuguan sang Dios ... vs. 29

- Ngaa nga pagpakamala-ot - basi nasumalang nila ang Deuteronomy 28 sa ila pag basa sang Pulong...
 - Nga ara sa 13 ka verse ang pagpakamaayo sa mga nagatuman – ang 53 ka verse amo ang pagpakamala-ot...
 - Nga mas madamo ang pagpakamala-ot sang sa pagpakamaayo - tungod atong mga nag tilaw sa pagkabuhi sa kasuguan gin pakamala-ot!
 - **Galacia 3:10** - “ Pero ang mga tawo nga nagasalig sa ila pagtuman sa Kasuguan ginpakamalaot na sang Dios. Kay suno sa Kasulatan, “ginapakamalaot ang wala nagatuman sang tanan nga ginapatuman sang Kasuguan.”
 - Indi nga ang Kasuguan amo ang may problema - kita ang problema - indi naton matuman ang Kasuguan!
 - Ang Kasuguan naga tudlo sang aton tanan nga kapaltahan – nagapakita sang aton tanan nga kakulangan...
 - Ang problema wala sang pulos / kay waay man mahimo – nga magbulig pabag-o sa aton...
 - Ang masarangan lang sini amo ang ipakita sa aton nga aton ginanahimo sala – indi sini masarangan itadlong!
 - Mahimo ko mag hambal sa imo nga basahon mo imo Biblia bilog nga adlaw - makadto sa simbahan - mangin ‘maayo’...
 - Ayhan masugot ka sang gina hambal ko sa imo nga tuod – ang kasuguan maayo...
 - Apang bisan pila pa ka kasuguan ihatag ko - indi ko mahimo nga imo sudon tanan...
 - Ang tanan ma tupa sa kon ano ang ara sa tagiposoon - himoon mo gihapon ang gusto mo!
- Ang Kasuguan naga sugyot sa aton sa pag handom sang sala – sala nga naga padulong sa pag hukom/kag kamatayon...
 - Ngaa isa lang ka hampanganan ang gusto sang bata – kon ano ang wala sa iya ...
 - Ngaa sa tion tagaan ka sang ‘pagsulundan’ / ‘kasuguan’ gusto mo nga indi magtuman sini...
 - Bangod kita makaasala – Kag ang Kasuguan ‘nagasugyot’ sang aton handom sa pagpakasala...
 - Kag ang ini nga mga sala ga dulong sa kamatayon – kamatayon nga pisikal / kamatayon espiritwal!
 - Ang aton lang makuha sa pagpanumpa – amo ang higit naton ang atonkaugalingon sa sumpa sang Kasuguan!
- Apang ang Kasugu-an nagadala sang kamatayon – ang Espiritu naga dala sang Kabuhi
 - **II Corinto 3:5-6** - “....Ining bag-o nga paagi indi paagi sa ginsulat nga Kasuguan kundi paagi sa Espiritu Santo. Kay ang ginadala sang Kasuguan silot nga kamatayon, pero ang Espiritu Santo nagahatag sang kabuhi.”
 - Si Jesus - naghilway sa aton sa Kasuguan - agod mag kabuhi paagi sa Espiritu...
 - Paagi sa gahum sang Espiritu – mabag-o naton ang aton tagiposoon!
 - Si Jesus lang ang makadala sang padayon nga pagbag-o - ang nagbaylo nga tagiposoon kag bag-o nga kabuhi...
 - Sa pag tulok naton kay Jesus - gina baylo kita sang bug-os halin sa sulod asta sa guha!

● 2ND – 3 KA KONDISYON SANG SAAD... vs. 30-39

o 1st – Mangin Balaan sa ila pag-asawahay... vs. 30

- Ang ginikanan indi mag tugot nga ang ila mga anak mag pakasal sa indi tumulu-o...
- Madamo man nga mga kalalakihan/kababayin-an nga kumbinsido nga ‘nagahigugma’...
- Ang problema nga ila ‘napangasawa’ indi Cristohanon (*bisan nga nami pa sila*)...

- Apang kumbinsido sila nga mabag-o nila - nga mapapati nila – ‘misyonero nga pangaluyag’...
- Malas pa lang sa ulihi nangin malaw-ay ang pagasawahay - ang kabataan simpon ang pagbinatasan!
- **II Corinto 6:14** - “Indi gid kamo magpakighiusa sa mga wala nagatuo kay Cristo...”
- Mahapos magpili sang kolor rosas nga gapas kag magbinuang sang pag pili kag indi mo na ma bawi sa bilog mo nga kabuhi!
- apang ang ginapatigayon nga pag-asawahay daw mabudlay na sa sini nga tinion...
- Importante nga ang ginikanan magpasilabot sa desisyon sang ila kabataan / kag mga apo!
- o 2nd – Mangin balaan sa ila pag simba ... vs. 31
 - Kon ang manugbaligya magkadto sa Adlaw nga inugpahuway –indi sila magbakal...
 - Ang mga tawo nahangpan nga kinanglan magpain sang adlaw sa pag simba sa Dios...
 - o May ara nga naga lalis nga tumanon gid ang adlaw nga inugpahuway – indi mag obra sa adlaw nga Sabado...
 - o Waay kaso kon ano nga adlaw mag pain sa pag simba sa Ginoo – **Romans 14:5**
 - o Ang labing importante magpain sang isa ka adlaw nga mag untat sa pag kabalaka sang Obra – kag mag sentro sang hunahuna kay Jesus!
 - Ang Sabado naga tudlo sa aton sang mas dako nga kamatouran – ang Pahuway nga Tuod - **Hebreo 4:9-10**
 - o Bisan magkuha ka sang adlaw nga mapahuway ka – balik trabaho ka man sa madason nga adlaw...
 - o Nagakahulugan nga wala ka man gihapon nakasulod sa pagpahuway sang Dios...
 - o Ang matu-od nga Sabado maabot kon makita ta ang nawong ni Jesus – kon ara na kita sa aton puluy-an!
 - o Ang Sabado ginatuyo nga itudlo kita sa paglaum sang Langit – eternidad upod sa aton Ginoo!
 - o **Colosas 2:16-17** – “Gani indi kamo magpadala-dala sa mga tawo nga nagasiling sa inyo kon ano ang indi dapat kaunon ukon imnon Ang mga pagsulundan nga ina landong lang sang mga butang nga ginapaabot sang una, nga amo si Cristo.”
 - o Kon makita mo ang landong sang abyan mo madalagan ka bala kag hakson mo ang landong...
 - o Indi bala indi – apang ang landong nagapabalo nga ang abyan mo malapit na!
 - o Ang Sabado landong ni Jesus – siya ang matuod nga pahuway - **Mateo 11:28-30**
 - Kada 7 ka tuig naga hatag mga tawo sa Duta sang pag pahuway...
 - Kag sa amo man nga tion indi na nila pabayaron ang tanan nga naka utang sa ila – **Deuteronomio 15:1-6**...
 - Nagakahulugan gina una nila ang Ginoo kaysa Kwartang – nagasalig sa Ginoo sa pag himono sang kinahanglanon
 - Maathag nga ginakabalaka kon maghatag sa duta sang pag pahuway – ano ang ila kaunon kon wala sang patubas...
 - Kon indi ka na magpabayad sang utang sang iban – ano matabo sa kwarta kag sa imo!
 - Ang Pulong sang Dios may pangabay sa aton nga isa ka butang nga makatuga nga mag tu-o - kag mag salig kita sa Ginoo...
 - Ang Dios naga hambal nga kon pangitaon naton siya una (*Antes sang kwarta /pagkabutang*) -Siya maga himuno sang aton kinahanglanon
 - Gina saad niya kon ihatag naton aton kabuhi sa iya -masapwan naton ang matuod nga kabuhi - **Lucas 9:4**
 - Ang pagtilaw nga atubangon naton - naga pati ka bala - naga tuman ka sa Pulong sang Dios!

- Parte sa pag simba sa Ginoo –ang pagtuon nga mag tuo sa Ginoo – magsalig nga Siya ang mahimono!
- o 3rd – Mangin balaan sa ila nga paghatag... vs. 32-39
 - Ang mga tawo hilway sa pag hatag para mahimun-an ang kinanglanon sang Templo... vs. 32-33
 - Ang kasuguan nagapatuman sa mga tawo nga maghatag ½ ka siklo kada tuig – **Exodo 30:11-16**
 - Ang mga tawo naipit sang tudo sa idalum sang Persia – kag ang masarangan lang nila 1/3 ka Siklo...
 - Indi ini tuhoy sapila ang ginapatuman nga ihatag – kundi kon ano ang gusto nila nga ihatag!
 - Nabasa taman parte sa buwis sa Templo sa **Mateo 17:24-27** - sang si Jesus nag abot sa Capernaum...
 - Si Pedro nag pamangkot – ‘Ang imo bala nga manunudlo naga bayad sang buwis sa templo?’
 - Si Pedro sa gilayon nag sabat - ‘huo’ – tapos nag lakat sa pag patud kay Jesus...
 - Si Jesus nag pamangkot kay Pedro - sino ang ginakuhaan sang buwis sang mga Hari sa kalibutan – ila anak ukon ang mga dumuluong...
 - Ang punto nga ang Hari wala nagabuwis sa ila mga anak – hilway sila sa buwis!
 - Indi kita dumuluong sa Ginharian sang Dios – kita mga anak sang Hari...
 - Gani wala gina patuman ang buwis ukon tithe - **II Corinto 9:7**
 - Makahatag ka kon san-o mo gusto mag hatag – Ang Dios gusto niya sa mga anak niya nga mag hatag nga malipayon!
 - Ang mga tawo nag papalad kon sino ang mag dala sang kahoy sa Templo... vs. 34
 - Wala sang kasuguan nga gin hatag si Moses tuhoy sa pag tipon sang kahoy...
 - Ang mga Netinim ang naga obra sini permi - kaliwatan sang Gibeon...
 - Apang diutay lang ang nagbalik halin sa Diaspora – gani ang mga Judio dapat nga makipag bahin sa responsibilidad!
 - Ang mga katawhan mag hatag sang una nga bunga para sa Ginoo... vs. 35-37
 - Ang una nga patubas / sa mga kahoy / mga kasapatan/ tinapay (*indi kwarta*)...
 - Ang idea sang una nga bunga naga hambal sang pagpasunod – ihatag sa Ginoo ang una...
 - Kon nag gwa ako kag nagbakal sang bag-o nga pang gym nga panapton – tungod daw ma bingkas na ang tahi...
 - Tapos ihatag ko sa imo ang daan ko nga panapton – tungod nga indi ko na kinanglanon...
 - Ano ang ginahambal sa klase sang relasyon nga may ara ako sa imo – paano ka nakon gina tamod!
 - Daw ma kadlaw gid ko sa mga tawo nga ga donar sang mga bagay sa simbahan...
 - Mahatag man kita tuod sa tawo nga bisan sa garage sale indi mapanghatag!
 - Sa masami sa mga tawo ang ihatag kay Jesus – ulihi na ginpinsar /ang salin...
 - Apang paano naton ginapasulabi si Jesus sa aton kabuhi /ang importansia niya sa aton!
 - Bahin sang una nga bunga ang ila kabataan... vs. 36
 - Katumanan sang saad **Exodo 13** – tanan nga panganay nga anak ihatag balik sa Dios...
 - Tungod ang Dios gin luwas niya ang mga panganay nga anak sa Paskua sa Ehipto...
 - Pero nagahambal ini sang kamatuuran - nga ang aton kabataan natungod sa Ginoo!
 - Ang aton kabataan indi aton – pahulam sila sa aton - kag ginatawag kita nga ibalik naton...
 - Kon ngaa nga may tradisyon kita nga dedikasyon sang aton mga kabataan - **I Samuel 1:27-28**
 - Ang dedikasyon indi para sa kabataan – mga lapsag pa sila – para sa mga ginikanan!
 - Naga saad kita/nagasaad nga hanason ang aton mga kabataan nga mag sunod sa Ginoo!
 - **Hulubaton 22:6** – “Tudlui ang bata sang husto nga pangginawi...”

- Ang Pari kag Levinhon ang may salabton sa tanan nga gin hatag... vs. 38-39
 - Kon mabaton sang Levinhon ang Tithes sang mga tawo – dapat indi naga isahanon...
 - Kag ang ika 10 sang tanan nga tithes nga gin hatag sang mga tawo dal-on sa Templo...
 - Bangod ang mga tawo nag saad nga indi nila ipabay-an ang Balay sang Dios!
 - **Importante nga ang tanan nga gin hatag sang mga tawo sa simbahan nakwenta...**
 - **Gusto naton nga ang kwarta ginagamit sa maayo – kag wala gina abusuhan ang kwarta...**
 - **Amo ang rason nga permi 2 ka tawo kon mag kolekta sang tithes...**
 - **Kag kon gina isip – agod nga may pananalabton!**
- **3RD – PUNUON ANG DUTA... vs. 1-36** **BAHASA: NEHEMIAS 11:1-4**
 - o 1st - Ang mga lider naggabotgabot sa pag pili sa ika pulo nga mga tawo nga masaylo sa Jerusalem... vs. 1-19
 - Ang Jerusalem indi syudad nga madali istaran – batuhon /budlay ang panguma...
 - Gani ang kalabanan nga nagbalik halin sa pagkabihag wala naga istar dira...
 - Apang ini naga uswad nga kapitolyo sang nabun-ag liwat nga nasyon kinahanglan gid nga pun-on – dapat 3,062 ang mag saylo...
 - Halin sa Judah 486 ka tawo /sa Benjamin 928 /sa mga Pari 1,192 /sa Levinhon 284 /sa manogbantay sang gawang 172
 - Kag ang tanan nagpakamaayo sa mga nagsugot nga mag istar Jerusalem!
 - o 2nd - kag ang nagkalabilin nag istar sa ciudad halin Beersheba pakadto Bethel... vs. 20-36
 - Ang Beersheba ara bagatnan sang Israel – sa kamingawan sang Judea...
 - Ang mga tawo sang Judah naga istar halin sa nalupyakan nga bahin sang Hinnom (*sa bagatnan nga bahin sang Jerusalem*)...
 - Ang mga tawo sang Benjamin naga istar sa aminhan nga bahin sang Jerusalem pakadto sa Bethel!
 - o 3rd - **I Samuel 30:24** – si David nag balik halin sa pagpakigaway...
 - Ang 200 niya nga mga tawo amo ang nabiyaan sa pakigaway – wala sila ka kadto sa away...
 - Ang iban niya nga mga tawo nag binaisay – ang mga nag tinir indi pag tagaan sang padya!
 - Apang gin sabdong sila ni David – indi mag dinalok – dapat pareho ang partidahay...
 - Atong mga nabilin nag bantay sa mga gamit – makigbahin sa mga nagkadto sa away !
 - **Sa amo man nga bagay indi tanan gintawag sa bug-os nga pagalagdan – pastor /o misyonaryo...**
 - **Indi buot silingon nga indi ka parti sang buluhaton – Kita ang mapabakod sa mga naglakat!**
 - **Naga pabilin kita nga magbantay sang pagkabutang’ – agod ang iban maka lakat sa pagpakigaway!**
 - **Sa mga naga bulig sa pagpadala makig-ambit man sang padya (*eternal*) sang mga nag lakat...**
 - **Wala ang Dios naga kalipat sa gagmay nga serbisyo – magamay man ukon daku madumduman niya!**
 - **Marcos 9:41- “ Sa pagkamatuod, ang bisan sin-o nga maghatag sa inyo sang bisan isa lang ka baso nga tubig tungod kay kamo iya ni Cristo, ina nga tawo magabaton gid sang iya balos.”**